

بسم الله تبارك وتعالى
قصة أولاد النبي إبراهيم (سلامه علينا)
سفر التكوين
الفصل ستة وعشرين إلى الفصل ستة وثلاثين

بركة النبي إسحاق والنبي يعقوب

النبي إسحاق ساكن امع الفلشطييمين

¹ واطرات فلارض مجاعة مرة ثانية تشابه الذيك اللي خلكت فزمن النبي إبراهيم. وپام النبي إسحاق وپاس مدينة جرار اللي فيها أبيمالك ملك الفلشطييمين. ² واطهر الله تعالى للنبي إسحاق وپالو: لا تكيس مصر، يغير اسكن فلبليدة اللي لاهي انعتلك. ³ اسكن فهاذي لبليدة ولاهي انعود امعاك ولاهي انباركك ولاهي نعطيك انتا ونسلك هادي لارض كاملة اياك انعدل ذاللي احلفت بيه لبوك إبراهيم. ⁴ ولاهي انكثر نسلك يلين يعود كد انجوم السما فلكثرة، ولاهي نعطيكم هادي لارض كاملة وبنسلك لاهي يتباركو شعوب لارض كاملين، ⁵ بيهلي إبراهيم طاعني وطبق أوامري ووصاياي واحكامي وشريعتي.

⁶ ولذاك السبب اسكن النبي إسحاق فمدينة جرار. ⁷ وإلین سولوه أهل المدينة عن اعيالو، پكالهم: هي اختي. بيهلي كان خايف يپول اعلنها اعيالو اياك ما يكتلوه أهل المدينة بسبب رفقة بيهلي كانت امرة زينة حته. ⁸ وعاكب يلين اعطا النبي إسحاق فترة من الزمن فمدينة جرار، اخلك اعلن أبيمالك ملك الفلشطييمين خرص مرة من كوتو وشاف النبي إسحاق يتعاير امع اعيالو رفقة. ⁹ وپام ومشالو يجيه، وپال: ظاهرلي اعلن رفقة فالحقيقة هي اعيالك، انتا مالك پكتلي اعلنها اختك؟ وپالو النبي إسحاق: كنت خايف اعلني لاهي ننكتل بسببها. ¹⁰ وپالو أبيمالك: شنهو اللي عدلتنا؟ كان اهوین اعلى أي واحد منا يعاشر رفقة واتعود جبتنا ذنب. ¹¹ واطلب أبيمالك من الشعب كامل وپكالهم: اللي منكم یمس هذا الرجل واعيالو يدور ينكتل.

¹² واحرث النبي إسحاق فارض جرار واحصد نفس السنة مية مرة ذاللي احرث بيهلي الله تعالى بارك فيه. ¹³ وكبرت قيمتو وامتلا من الدنية يلين عاد غني حته. ¹⁴ وكان عندو یاسر من لغنم ولبكر ولعبيد يلين عادو الفلشطييمين

يتعينو فأملاكو.

¹⁵ ولذاك السبب ردمو الفلشطيبيين الحسيان كاملين اللي جهروهم اعبيد بوه النبي إبراهيم.

¹⁶ وڤال أبيمالك للنبي إسحاق: امشي عتّا بيكلي انتا عدت امتن واغنى منا.

¹⁷ وامشا النبي إسحاق من المدينة شور واد الجرار واسكن فيه.

¹⁸ وڤام النبي إسحاق واجهر مرة اخرا الحسيان اللي انجهرو فزمن النبي

إبراهيم واللي ردموهم الفلشطيبيين عاڤب موت بوه. وسما الحسيان

باساميهم اللي سماهم النبي إبراهيم. ¹⁹ وجهرو اعبيد النبي إسحاق حاسي

فواد جرار وجبرو فيه ياسر من الما الصالح لشراب. ²⁰ واتخاصمو رعيان

مدينة جرار امع رعيان النبي إسحاق وڤالولهم: هاذا الما هو لنا نحنا. وسما

النبي إسحاق الحاسي باسم حاسي عسيق اللي معناه الديكة، بيهملي ادايڤو

امعاه اعليه. ²¹ وڤامو اعبيد النبي إسحاق وجهرو حاسي ثاني وخلكت اعليه

الديكة املي. وسما النبي إسحاق الحاسي سطنة اللي معناها العداوة. ²² وامشا

النبي إسحاق من فم واجهر حاسي ثاني ولا ادايڤو اعليه هاذي المرة. وسما

النبي إسحاق ذي الحاسي رحووت اللي معناها مولانا يوسع ارضك. وڤال:

الله تعالى وسع ارضنا ولاهي نكتارو فلارض.

²³ ومن فم امشا النبي إسحاق واعد بئر السبع. ²⁴ واطهرلو الله تعالى

فذلك الليلة اللي جا فيها لبئر السبع وڤالو: أنا هو إله بوك إبراهيم لا

اتخاف بيّلي أنا امعاك وانباركك ولاهي انكثر ذريتك بسبب عبدي

إبراهيم. ²⁵ وابنا النبي إسحاق فم مذبح وصلى لله تعالى، وابنا فم خيمة

وجهرو اعبيدو حاسي.

²⁶ وجا أبيمالك من مدينة جرار للنبي إسحاق وامعاه أحرّاث مستشارو

وفيكول رئيس جيشو، ²⁷ وڤالهم النبي إسحاق: شواساكم اتجوني،

وانتوما اكرهتوني وصعتوني من عندكم؟ ²⁸ وڤالولو: ظاهرنا اعلن الله

تعالى امعاك وبالتالي ڤالنا: خلينا نتعاهدو. وكل واحد منا يحلف للوخر

²⁹ اعلنك ما اتعدّلنا شي خاسر كيف نحنا ما عدلنالك شي خاسر، ولا

عدلنالك يكون الخير، ومشّيناك بالسلامة، وارايعك انتا ظرك امبارك

من مولانا.

³⁰ وڤام النبي إسحاق و عدلهم شي من اطعام و كالوه و شربو. ³¹ و بکرو امع الصباح و احلف کلهم للوخر، و وادعهم النبي إسحاق و امشاو اعلى العافية. ³² و فنفس ذاك النهار جاو اعبيد النبي إسحاق و ڤالولو: نحنا اجبرنا الما فالحاسي اللي اجهرناه. ³³ و سماه النبي إسحاق شبعة اللي معناه سبعة و من ذاك اليوم يلين ظرك عاد اسم ذيك المدينة بئر السبع. ³⁴ و إلين عاد عيسو عندو 40 سنة اتخيم امع مرتين هو ماتي يهوديت منت بيرى الحيثي و عاڤبها بسمة منت إيلون الحيثي. ³⁵ و ذو لعليات التنتين تعبو إسحاق و رفقة.

بركة النبي إسحاق والنبي يعقوب

النبي يعقوب يكلع بركة لبكورية من عيسو

¹والين استكهل النبي إسحاق واضعاف بصرو كيام وعيط لولو لكبير عيسو وكالو: يا ولي. وكالو عيسو: ارا عيني يا بوي. ²وكالو النبي إسحاق: أنا عدت شيباني ولاني عارف اينتا لاهي انموت. ³ظرك اكبظ دبشك ونشاباتك وقوسك وكيس الخلوات وصيدلي، ⁴وعدلي اطعام زين عندي وجيولي اياك نوكل منو اياك نطلب مولانا يبارك فيك سابك انموت.

⁵وفذا سمعت رفقة اكلام النبي إسحاق امع عيسو. والين امشا عيسو واعد الخلوات اياك يصيد فريسة ويجيبها لبوه النبي إسحاق، ⁶كالت رفقة ليعقوب: أنا اسمعت بوك يكل لخوك عيسو: ⁷صيدلي فريسة وعدلي اطعام زين عندي اياك نوكل ونطلب الله تعالى يبارك فيك سابك انموت. ⁸ظرك اصا يا ولي اسمع ذاللي لاهي نطلب منك. ⁹كيم ماشي شور امراح لغنم واختر منهم جديين وجيبهملي اياك انعدل لبوك اطعام زين عندو. ¹⁰وتعطيه لبوك اياك يوكل واياك يباركك انتا سابك يموت. ¹¹وكال يعقوب لأمو رفقة: انتي تعرفي اعلن خوي عيسو هو راجل امزغب، وأنا ما في ياسر من الزغب. ¹²والين يمسنني بوي ويعرف اعلمي خزيت بيه وانعود نجبر لعنة بل البركة. ¹³وكالت رفقة ليعقوب: لعنتك اعلي أنا، اسمعلي انتا اوتوف وامشي وجيولي الجديان لأثنين اللي اطلبتهم منك.

¹⁴وامشا يعقوب واختر جديين وجابهملها وطبخت رفقة اطعام زين عند النبي إسحاق. ¹⁵وكبظت لبسة زينة من الباس عيسو ولها لكبير اللي كانت عندها فالدار واعطاتها ليعقوب اياك يلبسها. ¹⁶وغطات ايديه وركبتو بجل الجديان لأثنين. ¹⁷واعطاتو الطعام الزين اللي طبخت امع ^بامبورو.

¹⁸وجا يعقوب لبوه النبي إسحاق وڤالو: يا بوي. وڤالو النبي إسحاق:
اراعيني يا ولي، ڤولّي انتا أي أولادي؟ ¹⁹ وڤالو يعقوب: آنا ولك لكبير
عيسو، وعدلتك ذاللي اطلبت مني. وظرك ڤوم اوكل من ذاللي صيدتلك اياك
تطلبلي البركة. ²⁰ وڤالو النبي إسحاق: ابسيمحالة ڤديت اتصيد بهاذي
العجلة؟ وڤالو يعقوب: الله تعالى إلهك اسبلي اطرقي. ²¹ وڤال النبي إسحاق
ليعقوب: ڤرب مني انمسك اياك نعرف يكانك ولي عيسو ڤك ڤك وللا ابدي.
²² وڤام يعقوب وڤرب من بوه ومس النبي إسحاق يعقوب وڤالو: صوتك
صوت يعقوب يغير ايديك هو ما ايدين عيسو. ²³ ولا ڤد النبي إسحاق يعرف
يعقوب بيهلي ايديه كانو املائات من ازغب كيف ايدين عيسو. وڤام النبي
إسحاق وبارك يعقوب. ²⁴ وسولو: انتا هو ولي عيسو؟ وڤالو يعقوب: اهيه آنا
هو بعد. ²⁵ وڤالو النبي إسحاق: اعطيني نوكل من ذاللي صيدت اياك نطلبلك
البركة. وڤام النبي يعقوب وجابلو الطعام وكال منو وجابلو عصير العنب
واشرب منو.

²⁶ وڤال النبي إسحاق ليعقوب: وهاي جاي وضمني يا ولي. ²⁷ وڤام يعقوب
وڤرب من النبي إسحاق وضمو وشم إسحاق ريحة الباس يعقوب واطلبلو
البركة وڤال: اراعيهاريحة ولي كيفت ريحة حرث امباركو الله تعالى.

²⁸ينعم اعليك مولانا

من ما السحاب

ومن خير التراب

ويكثرلك مولانا

من الڤمح والعنب.

²⁹الشعوب لاهي يخدموك

والقبائل لاهي يسجدولك

واتعود شيخ اعلى اخوتك،

وأولاد أمك لاهي يكبروك

واتعود الناس اللي تلعنك ملعونة

والناس اللي اتباركك لاهي اتعود مباركة.

³⁰والين اؤفا النبي إسحاق من طلبة البركة ليعقوب، امشا يعقوب من

عند بوه. فذا ارجع عيسو من الخلوات.³¹ واطبخ هو املي الطعام
الزين وجابو لبوه النبي إسحاق وڤال: ڤوم يا بوي واوكل من صيد
وَلَكْ، واطلبلي البركة.³² وڤالو النبي إسحاق: انتا منهو؟ وڤالو عيسو:
أنا ولك لكبير عيسو.³³ وڤبظت النبي إسحاق الرعدة وڤال لعيسو:
منهو اصا ذاللي جابلي من فريستو ووڤلني منها سابك اتجي واطلبتلو
البركة؟ وهو اللي لاهي يعود امبارك.³⁴ والين اسمع عيسو اكلام بوه
النبي إسحاق ڤام وازڤا الفوك وڤال: اطلبلي البركة أنا املي يا بوي!
³⁵ وڤالو النبي إسحاق: أنا خزا بي يعقوب واڤلع منك بركتك.³⁶ وڤال
عيسو: مالو اسمو يعقوب اللي معناه الخداع؟ اراهو خزا بي مرتين،
اڤبظ بكوريتي وظرك اڤبظ بركتي. وڤال للنبي إسحاق: ما خليتلي شي
من البركة؟³⁷ وڤالو النبي إسحاق: أنا عدلتو شيخ اعليك وعدلت
اخوتو كاملين اعبيدو، واطلبت مولانا يكثرلو من الڤمح والعنب.
وظرك شانك انعدلك انتا؟³⁸ وڤالو عيسو: مندر ايكان عندك الا بركة
وحدة يا بوي؟ اطلبلي مولانا أنا املي يا بوي! وڤام عيسو ييكي الفوك.
³⁹ وڤالو بوه النبي إسحاق:

لاهي اتعود ساكن فارض يابسة

ما ينزل اعليها الما

⁴⁰لاهي اتعيش بسيفك،

ولا هي اتعود عبد لخوك،

يغير يلين انتور اعليه

لاهي اتكسر كل ثكل دارو اعليك.

⁴¹واحد عيسو اعلى خوه يعقوب بسبب البركة اللي اطلبلو النبي إسحاق،
وڤال عيسو امبينو امع راصو: اڤريب يدور يموت بوي، وعاڤب ذاك نكتل
خوي يعقوب.⁴² وسمعت رفقة ذاللي اتوعد بيه عيسو ليعقوب. وڤامت
ومشات ليعقوب وڤاتلو: عيسو يخطط اياك يكتلك.⁴³ وظرك اسمعلي يا ولي
وڤيم واهرب شور خوي لابان اللي فحاران.⁴⁴ واسكن عندو أيام ماهم
ياسرين يلين يهناو افڤايع خوك.⁴⁵ والين يهناو افڤايعو وينسا اللي عدلتو
انتا، عاڤب ذاك اندور انمشيلك اتجي من حاران. اعلاش ننحرم منكم لأثنين

فنفس اليوم؟

⁴⁶وعاكب ذاك كالت رفقة للنبي إسحاق: أنا اكرهت روعي بسبب امنات
الحيثيين. وإلین يتخيم يعقوب امع امرة حيثية من هادي لارض تشابه لعليات
عيسو، يعود موتي اشبه من حياتي.

بركة النبي إسحاق والنبي يعقوب

النبي يعقوب يهرب من خوه عيسو

¹ وڳام النبي إسحاق وعيط ليعقوب واطبلو البركة ووصاه اعلنو لا يتخيم امع اعليات كنعان. ² وڳالو: ڳوم وامشي شور واد آرام شور دار بتوئيل بو أمك واتخيم امع وحدة من امنات خالك لابان. ³ ومولانا القدير يعطيك البركة ويعدلك مثمر اياك يتفرعو منك ياسر من لأمم. ⁴ ويعطيك انتا وذريتك بركة النبي إبراهيم اياك تورث لارض اللي عايش فيها ظرك كيفت أجني، هادي لارض اللي اعطاها مولانا للنبي إبراهيم. ⁵ ومشّا النبي إسحاق يعقوب، وڳاس يعقوب واد آرام بل امنين ساكن لابان ول بتوئيل لأرامي، خورقة، اللي هي أم عيسو ويعقوب.

⁶ وشاف عيسو اعلن النبي إسحاق اطلب البركة ليعقوب ومشاه شور واد آرام اياك يختار من فم اعيالو. وشاف املي اعلن وصا النبي إسحاق يعقوب وڳالو: لا تتخيم من أي امرة كنعانية. ⁷ ويعقوب اسمع لوالديه وامشا شور واد آرام. ⁸ واعرف عيسو اعلن اعليات كنعان ما رضاو النبي إسحاق. ⁹ ڳام وامشا شور عمو إسماعيل واتخيم امع محلة خت نبايوت ومننت إسماعيل ول النبي إبراهيم وزاها امع اعلياتو لخرات.

¹⁰ ويعقوب امشا من بئر السبع واعد حاران. ¹¹ وفطريكو اجبر ابليدة وبات فيها بيهلي عاد وقت اطيح الشمس. واڳبط حجرة ودارها احذاراسو وبات فم. ¹² واحلم حلم وشاف فيه امطاليع اعلى لارض وراسهم ماس السما وملايكة مولانا يطلعو وينزلو اعليهم. ¹³ والله تعالى نفسو فوڳهم يڳول: أنا هو الله تعالى إله جدك إبراهيم وإله بوك إسحاق، والتراب اللي تاكي اعليها ظرك لاهي نعطيها لك ولذريتك ¹⁴ اللي لاهي اتعود ياسرة كيف احصي التراب ولاهي اتيكيس الغرب والشرك والشمال والجنوب ويتباركو شعوب لارض كاملين بسببك انتا وذريتك. ¹⁵ أنا ارا عيني امعاك نرعاك شور بل

امنين ڀايس و لاهي انرجڪ شور هاڙي لارض و لاني لاهي انخليڪ ماقت
عدلتڪ ڏاللي اتعهدتڪ بيه ڪامل.¹⁶ ومن فم او عا يعقوب من ارڀادو وڀال:
فالحيقة الله تعالى حاضر هون و آنا ما كنت عالم بيه.¹⁷ وانخلع النبي يعقوب
وڀال: هاڙي لبليدة المقدسة، تشابه لدار مولانا و باب الجنة.
¹⁸ و بڪر يعقوب امع الصباح و اڀبط الحجرة الللي دارها احڏاه وقت ارڀادو
و وڀفها و دار اعليها شي من الزيت اياك يخصصها لمولانا.¹⁹ و سما هاڙي
لبليدة بيت ايل الللي معناه دار مولانا. و كان اسم المدينة سابڪ ڏا هو لوز.
²⁰ و انذر النبي يعقوب نذر وڀال: إلى عاد مولانا امعاي و ارعاني فهاڙي
الطريق الللي ماشي فيها و اعطاني اوڪيل نوڪلو و اعطاني الباس نلبسو،
²¹ و ارجعت سالم لدار بوي، لاهي انعدلو إلهي،²² و اتعود هاڙي الحجرة الللي
وڀفتها هي دار مقدسة لمولانا و لاهي نعطيك العشر من ڏاللي ترزقني بيه.

بركة النبي إسحاق والنبي يعقوب

النبي يعقوب يناسب عائلة لابان

¹ وواصل النبي يعقوب رحلتو يلين لحك لارض حاران. ² وخرص فزرو وشاف حاسي فحرث وشاف عندو 3 كلفات من لغنم يرعاو احذا الحاسي بيهلي كانو الناس يسكو كلفات لغنم من ذا الحاسي. وكانت الحجرة اللي اعلى فم الحاسي اكبيرة. ³ وكانو رعيان لغنم كاملين يجتمعو عندها ويكحزو الحجرة عن فم الحاسي ويسكو اغنمهم وعاكب ذاك يرجعو الحجرة مرة ثانية اعلى فم الحاسي.

⁴ وكالهم النبي يعقوب: يا اخوتي انتوما جايين من امنين؟ وكالولو: نحنا جايين من حاران. ⁵ وكالهم: مندر ايكانكم تعرفو لابان ول ناحور؟ وكالولو: اهيہ نعرفوه حته. ⁶ وكالهم: شماسي هو؟ وكالولو: هو معافي، واراعياها منتو راحيل جاية امع اغنمهم. ⁷ وكالهم النبي يعقوب: النهار ذا هو مزال اطويل وظرك ما هو وقت اجميع لغنم. كومو تسكو لغنم وامشو تسرحوهم. ⁸ وكالولو: ما انكدو انعدلو ذاللي كلت سابك يجتمعو كلفات لغنم كاملين ورعيانهم اياك انكومو وانكحزو الحجرة اللي اعلى فم الحاسي ونسكو لغنم. ⁹ وفالوقت اللي كان يتكلم فيه النبي يعقوب امع الرعيان، جات راحيل امع اغنم بوها بيهلي كانت هي املي راعية. ¹⁰ والين شافها النبي يعقوب كام واتكدم وكحز الحجرة عن فم الحاسي واسكا اغنم خالو لابان. ¹¹ وسلم النبي يعقوب اعلى راحيل وكام يبكي. ¹² وكالها اعلنو قريب لبوها واعلنوا ول رفقة. وكامت راحيل وامشات اياك اتعلم بوها.

¹³ والين اسمع لابان باخبار ول اختو، ادفع يتلكالو وضمو وجابو لدارو. ورد النبي يعقوب اعلى لابان ذاللي اخلك كامل. ¹⁴ وكال لابان للنبي يعقوب: انتا من عظمي ولحمي. واسكن النبي يعقوب عند لابان مدة اشهر. ¹⁵ وكال لابان للنبي يعقوب: انتا تشتغل عندي مجانا بسبب اعلنك قريب

لي؟ كُولي شنهو اخلاصك؟¹⁶ وكان عند لابان منتين اسم لكبيرة ليئة واسم الصغيرة راحيل.¹⁷ وكانت ليئة زينة يغير راحيل كان جمالها أكثر.¹⁸ وابغا النبي يعقوب راحيل، وكمال لخالو لابان: لاهي نخدمك مدة سبع سنوات اياك نتخيم امع راحيل منتك الصغيرة.¹⁹ وكمالو لابان، إلى عدت لاهي نتخيم امعاها أخير عندي حته من انخيمها امع راجل اوخر. اسكن عندي.²⁰ واشتغل النبي يعقوب لابان مدة سبع سنوات اياك يتخيم امع راحيل. والنبي يعقوب ما حس بمرور هاذي السنوات السبعة بيه عزتو راحيل.²¹ وكمال النبي يعقوب للابان: اعطيني اعيالي نتخيم امعاها بيهلي وفيت شغلتي امعاك.²² وكمال لابان واجمع جيرانو كاملين وعيطلهم لندوية العرس.²³ وإلين عاد الليل اكبظ لابان منتو ليئة وجابها للنبي يعقوب واتخيم امعاها.²⁴ واعطا لابان خادمو زلفة لمنتو ليئة اياك تخدمها.²⁵ وامع الصباح افطن النبي يعقوب اعلن اللي اتكات امعاها هي ليئة! وكمال النبي يعقوب للابان: شنهو ذاللي عدلتلي؟ أنا امالي اشتغلتك مدة سبع سنوات اياك نتخيم امع راحيل؟ اعلاش خزيت بي؟²⁶ وكمالو لابان: ماهو من عادة ابلدنا اعلنا انخيمو المنت الصغيرة سابك لكبيرة.²⁷ كمل أسبوعك امع ليئة وعاكب ذاك انخيمك امع راحيل وتشتغلي مدة سبع سنوات اخرات.²⁸ واکبل النبي يعقوب ذا اللي كمالو لابان وكمل أسبوعو امع ليئة. واعطاه لابان راحيل منتو اياك يتخيم امعاها.²⁹ واعطا لابان خادمو بلهة لراحيل اياك تخدمها.³⁰ واتخيم النبي يعقوب امع راحيل، وابغاها أكثر من ليئة واشتغل امع خالو لابان مدة سبع سنوات اخرات.

³¹ وإلين شاف الله تعالى اعلن ليئة ما يبغيها النبي يعقوب اجعلها مولانا تجبر الذرية، يغير راحيل كانت عاكر.³² وحملت ليئة من النبي يعقوب وخلاتو اطفيل وسماتو رابين اللي معناه اراعي الطفيل. بيهلي ليئة كالت: فالحقيقة الله تعالى شاف ضعفي. وراجلي عاد يبغيني.³³ وحملت ليئة مرة اخرا وخلات اطفيل وکالت: الله تعالى اعطاني اطفيل ثاني بيهلي اسمع واعرف اعلمي كنت مكروهة. وسماتو شمعون اللي معناه السمّاع.³⁴ وحملت مرة ثالثة وخلات اطفيل ثالث وکالت ليئة: ظرك فهاذي المرة لاهي بيكا امعاي راجلي بيّلي خليتلو اثلت أولاد. وسمات اطفيل الثالث لاوي اللي معناه

بيكا. ³⁵ وحملت المرة الرابعة وخلات اطفيل املي. وپالت ليئة: فهاذي المرة
لاهي نحمد الله تعالى. وسمات اطفيلها يهوذا اللي معناه الحمد. ووكفت ليئة
عائب اخلاية يهوذا من البري.

بركة النبي إسحاق والنبي يعقوب

النبي يعقوب يكثر وأملأكو وأولادو

¹والين عرفت راحيل اعلنها عاكر، غارت من ختها ليئة وكالت للنبي يعقوب: اعطيني أولاد وللا لاهي انموت. ²وانفكع اعليها النبي يعقوب وكالها: انتي اترك شايفتني انحل محل مولانا اللي منعك من تجبري التركة؟ ³وكالت راحيل للنبي يعقوب: اراعي خادمي بلهة، عاشرها اياك انعود بأولادي منها. ⁴واعطت راحيل للنبي يعقوب خادمها بلهة. ⁵وحملت بلهة وخلات للنبي يعقوب اطفيل. ⁶وكالت راحيل: مولانا استجابلي وارزقني باطفيل. وسمات راحيل الطفيل دان اللي معناه اقضالي مولانا حاجتي. ⁷وحملت بلهة خادم راحيل مرة ثانية وخلات للنبي يعقوب اطفيل اوخر. ⁸وكالت راحيل: أنا ادايكت امع اختي ياسر من الديكات واغلبتها. وسمات راحيل الطفيل الثاني باسم نفتالي اللي معناه ديكاتي. ⁹والين شافت ليئة اعلنها ما تلات تجبر التركة، كبطت خادمها زلفة واعطتها للنبي يعقوب يعاشرها. ¹⁰وخلات زلفة خادم ليئة اطفيل للنبي يعقوب. ¹¹وكالت ليئة: مزين حظي. وسمات اطفيل جاد ومعناه الحظ الزين. ¹²وخلات زلفة خادم ليئة اطفيل ثاني ¹³وكالت ليئة: أنا فرحانة ولعليات لاهي يسموني الفرحانة! وسمات ليئة اطفيل الثاني باسم أشير اللي معناه الفرحان.

¹⁴وامشار أوبين شور الحرث فزمن حصاد الكمح، واجبر اكريب منو نبتة اسمها الفلاح وجابها لأمو ليئة. وكالت راحيل لليئة: اعطيني من ذا الفلاح اللي جابلك ولك. ¹⁵وكالت ليئة: انتي ما كافيك اعلنك اكبظتي مني راجلي،

^{14:30}ت يستعملوها لعليات اياك يكدو يجبر التركة , هادي اتزيد من خصوبة لعليات

وظرك هامك املي تكبضي الفاح ولي؟ وكالتلها راحيل: لاهي انخلي النبي يعقوب بيات الليلة امعاك بدل للفاح. ¹⁶ والين ارجع النبي يعقوب من الحرث فالليل، خاضت ليئة تتلكالو وكالتلو: انتا يالتك اتبات امعاي الليلة بيّلي أنا اكريتك بنبتة لفاح ولي. وعاشرها النبي يعقوب فذيك الليلة. ¹⁷ واستجاب مولانا لليئة وحملت املي وخلات للنبي يعقوب ول خامس. ¹⁸ وكالت ليئة: مولانا اعطاني كريتي بيّلي اعطيت خادمي لراجلي. وسمات ليئة ولها باسم يساكر اللي معناه يشتغل بكريّة. ¹⁹ وحملت ليئة مرة اخرا وخلات للنبي يعقوب ول سات. ²⁰ وكالت ليئة: أنا اعطاني مولانا معطازين، وظرك راجلي عاد اعطيني قيمتي بيّلي خليتلو ست أولاد. وسمات ليئة ولها السات باسم زبولون اللي معناه يكرمني. ²¹ وخلات املي ليئة للنبي يعقوب اطفيلة وسماتها دينة.

²² واذكر مولانا راحيل واستجابلها وافتحلها رحمها. ²³ وحملت وخلات اطفيل وكالت: اكلع مولانا عني عاري. ²⁴ وسمات راحيل اطفيلها باسم يوسف اللي معناه يزيد. وكالت: الله تعالى يزيدي باطفيل اوخر. ²⁵ والين ابرات راحيل اعلى يوسف كال النبي يعقوب للابان: خليني نمشي واعد بلي وارضي. ²⁶ واعطيني اعلياتي وأولادي اللي اشتغلتك بيهم، وخليني نمشي بيكلي انتا تعرف الشغلة اللي عدلتك. ²⁷ وكالو لابان: إلى عدت راضي اعليّ أنا طالبك عنك تبكا امعاي بيّلي أنا عدلت لكزانة وظهرلي اعلن الله تعالى باركني بسببك انتا. ²⁸ وكال املي: كولي شنهو اخلاصك ونعطيهلك. ²⁹ وكالو يعقوب: انتا تعرف الطريقة اللي اشتغلتك بيها وتعرف املي اعلن ما اخلك شي لغنمك فالوقت اللي كانت عندي نرعاها. ³⁰ وذاللي كان عندك سابك انجيك عاد أكثر حته والله تعالى باركك يلين جيتك أنا. وظرك أنا اينتا لاهي نوحل فتحصال الرزق لعياي؟ ³¹ وسولو لابان: شنعطيك؟ وكالو النبي يعقوب: لا تعطيني شي يغير إلى عدت تبغي اتعدلي مسلة وحدة: لاهي نرعا غنمك ونهتم بيها، ³² وخليني نوخط اليوم امبين غنمك كاملة وتعزل منهم كل كبش ونعجة اركط وللا اشهب، وكل اخروف اكحل، وكل عنز وعتروس اركط وللا اشهب ويعود هذا اخلاصي. ³³ واتعود امانتي تشهد اعلى صدقي فلايام الجايين. والين اتجيني اياك

اتخرص الحيوان اللي خلصتني بيه، واجبرت عندي عنز وللا عتروس ماهم
رڤط وللا شهب وللا اخروف اكحل لاهي يعودو مسروكين.³⁴ وڤال لابان:
انعدلو ذاللي ڤلت.³⁵ واعزل لابان فذاك النهار لعتاريس الرڤط والشهب
وكل عنز رڤطة وللا اشهبة وكل اخروف اكحل واعطاهم لأولادو اياك
يسرحوهم.³⁶ وعدل امبينو وامبين النبي يعقوب مسافة اثلت أيام وواصل
النبي يعقوب فرعاية اغنم لابان.

³⁷واڤبظ النبي يعقوب اعراش خظر من 3 أنواع من الصدر وڤشرهم اياك
يظهر لخطوطة البيظ اللي فيهم.³⁸ وڤكام وڤف هاذو لعراش اللي ڤشرهم
فبلديات ماشي فيهم الما اياك يعودو لعراش فالما يلين يجو لغنم اياك يشربو.
وكانو لغنم يتلاڤحو فنفس الوقت اللي جاو فيه اياك يشربو الما.³⁹ وكانو لغنم
يتلاڤحو ڤدام لعراش ويولدو جديان وخرفان فيهم اخطوطة وللا شهب وللا
رڤط.⁴⁰ وكان النبي يعقوب يعزل هاذو عن اغنم لابان ويديرهم امع غنمو.
والين يلحڤ وقت تلڤاج يخلط غنمو اللي فيهم اخطوطة وللا لغنم الكحل
كاملين امع اغنم لابان. وبهاذي الطريقة كثر غنمو.⁴¹ يلين كانو لغنم لمتان
يتلاڤحو كان النبي يعقوب يوڤف لعراش فلبليات اللي فيهم الما ڤدام لغنم
اياك يشربو ويتلاڤحو ڤدامهم.⁴² والين يعودو لغنم الضعيفة هو ما اللي
يتلاڤحو ما يدير لعراش ڤدامهم. وبذي الطريقة عادو لغنم الضعيفين للابان
ولغنم لمتان للنبي يعقوب.⁴³ وعاد النبي يعقوب غني حته واكثر و غنمو
وخدمو واعبيدو واجمالو واحميرو.

بركة النبي إسحاق والنبي يعقوب

النبي يعقوب يهرب من لابان امع أسرتو وأملاكو

¹ واسمع النبي يعقوب اعلن أولاد لابان يكلو: اكبط يعقوب كل شي من عند بونا واجمع هادي الثروة كاملة. ² ولاحظ النبي يعقوب اعلن معاملة لابان لو اتغيرت وما اتلات كيف كانت. ³ وكمال الله تعالى للنبي يعقوب: ارجع شور بل اباتك وشور أهلك وأنا لاهي انعود امعاك. ⁴ وكمال النبي يعقوب ومشا لراحيل وليئة اياك يجوه شور الخلوات بل امنين يرعا لغنم. ⁵ وكمالهم: أنا لاحظت اعلن معاملة بوكم امعاي اتغيرت ولا تات كيف كانت، يغير إله اباتي كان ومزال امعاي. ⁶ انتوماتي تعرفو اعلمي اشتغلت لبوكم بقوتي كاملة. ⁷ يغير بوكم خزا بي وغير اخلاصي 10 مرات يغير مولانا ما خلاه يظلمني. ⁸ يلين يكل اعلن اخلاصي هي لغنم اللي فيها انكط، ولدت كاملة جديان وخر فان فيهم انكط. وإلين يكل: اخلاصك هي لغنم اللي فيها اخطوطة، تولد كاملة خرفان وجديان فيهم اخطوطة. ⁹ ومولانا اكبط اغنم بوكم واعطاها لي. ¹⁰ وإلين يتلا كحو فيه لعناريس امع لمعيز شفت فحلم اعلن كل لعناريس اللي لاهي يتلا كحو امع لمعيز فيهم اخطوطة وللا انكط وللا شهب. ¹¹ وكمال ملاك مولانا فالحم: يا يعقوب! واكلتو: ارا عيني. ¹² وكمال: خرص ولا هي اتشوف اعلن لعناريس كاملين اللي لاهي يتلا كحو امع لغنم فيهم اخطوطة وللا انكط وشهب بي لي أنا شفت كل شي عدلوك لابان. ¹³ أنا هو مولانا اللي اظهر لك فبيت إيل بل امنين صبيت الدهن اعلى الحجرة اياك اتخصصهالي وانذرتلي نذر. ظرك كوم وامشي من هادي لبليدة وارجع شور ابليدتك. ¹⁴ وكمالو لراحيل وليئة: منذرا يكان عندنا شي نورثوه فأملك بونا؟ ¹⁵ وهو يعاملنا كيف اروا كيج ما يعرفهم بيهلي باعنا وكمال فظتنا. ¹⁶ وهادي الثروة كاملة اللي اكبط مولانا من بونا هي لنا ولأولادنا، ولهذا السبب عدل ذاللي كالك مولانا.

¹⁷ورگب يعقوب اعلياتو وأولادو اعلى الجمال ¹⁸وصاڤ غنمو كاملة
كدامو وذاك كامل اللي اجمع فواد أرام وڤاس بوه النبي إسحاق فارض
كنعان.

¹⁹وفذا الوقت كان لابان امشاي زز لوبر من غنمو وڤامت راحيل وسرڤت
أصنام بوها. ²⁰و اخذع النبي يعقوب لابان لأرامي ولا ڤالو اعلنو ماشي.
²¹واهرب يعقوب رافد ذا كامل عندو واڤطع من نهر الفرات ماشي اعلى
جبهة اكدا جلعاد.

²²واعلم لابان فالיום الثالث اعلن النبي يعقوب اهرب. ²³واڤبظ لابان
اخوتو وامشايڤص اثر النبي يعقوب مدة سبعة أيام يلين اتلاحڤ بيه فاكدا
جلعاد. ²⁴واظهر مولانا للابان لأرامي فحلم فالليل وڤالو: عسك من اتڤول
ليعقوب أي شي اسوا خاسر وللا صالح.

²⁵والين اجابر لابان امع النبي يعقوب كان النبي يعقوب فات ابنا خيمتو
فكدية جلعاد وابنا لابان واخوتو اخيامهم فم املي. ²⁶وڤال لابان للنبي
يعقوب: ذاللي عدلتلي شنهو؟ انتا اخدعتني وامشيت بامناتي كيفت حد رافد
محبوسات فالعرب. ²⁷اعلاش اجحدت عني اعلنك ماشي وخزيت بي؟
اعلاش ما علمتني اعلى لأقل انعود عدلتك ندوية من لغنا والهول والطبول
والتيدينيت. ²⁸ولا خليتني املي انضم وانحب امناتي وأولادهم؟ انتا الطريقة
اللي اهربت بيها ما كانت زينة. ²⁹آنا ڤاد انعدلك شي ماهو مونك يغير إله
بوك ڤاللي البارح: عسك من اتڤول ليعقوب أي شي اسوا خاسر وللا صالح.

³⁰وانتا ظرك امشيت بيكلي اتوحشت دار بوك يغير اعلاش اسرڤت
أصنامي اللي نعبدهم؟ ³¹وڤالو النبي يعقوب: آنا كنت خايف من اعلنك تڤلع
مني امناتك. ³²وظرك اللي تجبر عندو أصنامك يعود الموت عقابو. ڤوم
ونبش وسط ادبش أقاربنا وشي اجبرتو لك عندي، ڤبظو. والنبي يعقوب ما
كان عالم باعلن راحيل سرڤت أصنام لابان. ³³وادخل لابان فخيمة النبي
يعقوب وخيمة لينة واخيام اخديمهم ولا اجبر فيهم شي. وخاظ من خيمة لينة
وادخل شور خيمة راحيل. ³⁴وكانت راحيل فانت ڤبظت لأصنام ولمتهم
فراحلة الجمل وڤعدت اعليهم. ونبش لابان خيمة راحيل ولا اجبر فيها شي.
³⁵وڤالت راحيل لبوها لابان: لا تنفكع اعلي بيلى ما انڤد انڤوم شورك بيهلي

اعليّ الدورة. وعاكب نبش لابان كل خيمة، ما اجبر أصنامو.
36 وانفكع النبي يعقوب وعيب لابان وكمالو: شنهو ذنبي وشنهي خطيئتي
اياك تتلبنى منفكع؟ 37 انتا نبشت ذا كامل اللي عندي ولا اجبرت شي من
أصنامك. إلى عدت اجبرتو ديرو كقدام أقاربي وأقاربك اياك يحكمو بيناتنا.
38 مدة 20 سنة اللي عشتها عندك ما اكتلت لك انعاجك وللا امعيزك ولا كلت
كبش من غنمك. 39 ولا جبنتك أي شه موكولة فلخلا اعلى العكس أنا اللي
كنت نتحمل المسؤولية وانتا كنت تطلبها مني اسوا كانت انتكلت فلخلا فالليل
وللا النهار. 40 وأنا كان يثقل اعليّ الحمان فالنهار وفالليل البرد والريقاد طار
من عيني. 41 أنا عادلي 20 سنة فدارك، 14 سنة منها اشتغلنتك اياك نتخيم
امع امناتك وست سنوات اياك نسرح غنمك وانتا غيرت اخلاصي اعشر
مرات. 42 لولا إله جدي النبي إبراهيم واللي خايف املي منو بوي النبي
إسحاق، اتعود صععتني عنك ما امحاذيني شي. يغير مولانا شاف ظلمك لي
وتعب ايدي وحذرك البارح.

43 وكمال لابان: لمنات هوماتي امناتي ولأولاد أولادي ولغنم غنمي ذاللي
اتراعي فيه هو لي، يغير شلاهي انعدل لمناتي وأولادهم ظرك من شي
متعدل؟ 44 شوف، خلينا انعدلو عهد امبيناتنا اليوم، ويعود هاذو العهد شاهد
بيني وبينك. 45 واكبط النبي يعقوب حجرة ووكفها الفوك اياك اتعود علامة
العهد. 46 وكمال لأقاربو: اجمعو شي من لحجار. وكامو وجمعو لحجار
وعدلوها كومة منها وكالو احذاها. 47 وسماها لابان لأرامي يجر سهدوثا
بلغتو اللي معناها كومة الشهادة. وسماها النبي يعقوب جلعيد اللي معناها
كومة الشهادة بلغتو. 48 وكمال لابان: هاذي الكومة من لحجار شاهدة اليوم
بيني وبينك ولهذا السبب أسمات جلعيد. 49 وأسمات املي باسم المصفاة
بيهلي لابان كمال: الله تعالى لاهي يعود شاهد بيني وبينك يلين يتغيب واحد منا
عن لوخر. 50 وإلين اتسيئ معاملتك امع امناتي وللا تتخيم اعليهم، مولانا
يدور يشوفك ولاهي يعود حاكم امبيني امعاك حته ولعت أنا ماني عالم بيك.
51 وكمال لابان املي: لاهي اتعود هاذي الكومة وهاذي الحجرة اللي وكفت
بيني وبينك 52 شاهدين اعلي ماني لاهي نتخطا هاذي الكومة وهاذي الحجرة
اياك انعدلك شي خاسر، وانتا املي لا تتخطاهم اياك اتعدلي شي خاسر.

53 ويعود إله النبي إبراهيم وإله ناحور وإله بوهام حاكم امبيناتنا. واحلف النبي يعقوب بمولانا اللي يتقيه بوه النبي إسحاق. 54 وعاكب ذا كيام النبي يعقوب وكدم اذبيحة لمولانا فالكدية وعيط لأقاربو اياك يوكلو فبلد الطعام. وكالو وباتو ليلتهم فالكدية. 55 وامع الصباح كيام لابان وحب وضم امناتو وأولادهم واطلبلهم البركة وكيم ماشي راجع شور بلو.

بركة النبي إسحاق والنبي يعقوب

النبي يعقوب يرجع شور بل أهلو

¹ واما شا النبي يعقوب فطريكو واتلکاولو ملايكة مولانا. ² وإلين شافهم النبي يعقوب كإل: هادا جيش مولانا. وسما ذيك لبليدة باسم محنايم اللي معناه المعسكر.

³ ومشا النبي يعقوب امر اسيل كدامو شور خوه عيسو فارض سعيير اللي فمطقة أدوم. ⁴ ووصاهم وكالهم: ذاللي لاهي انكولكم هو اللي اندوركم اتكولو لشخي عيسو: هادا هو اللي يکولك عبدك يعقوب: أنا عشت عند لابان إلى ظرك ⁵ وعاد عندي لبكر ولحمير ولغنم ولعبيد ولخدم ومشيتلك رسالة يا شخي انعلمك لعلاك ترضا اعلي.

⁶ ورجعو امر اسيل النبي يعقوب وكالولو: نحنا جينا لخوك عيسو وارايعه جايك وامعاه 400 راجل. ⁷ وانخلع النبي يعقوب ياسرة من الخلعة وكسم ارواكيچ اللي امعاه ولغنم ولبكر والبل اعلى مجموعتين ⁸ وكإل: يلين يهجم عيسو اعلى وحدة من ذو الجماعات الثنتين وإلين يفرکها اعلى لأقل ذيك لخر اتسلک.

⁹ واطلب النبي يعقوب مولانا وكإل: يا إله جدي النبي إبراهيم وإله بوي النبي إسحاق يا الله تعالى اللي كإلي: ارجع شور ارضك وشور أهلك ولاهي نعرفلك شي. ¹⁰ أنا ما نستحق كل فضلك ذاللي عدلتلي، أنا اقطعت نهر الأردن ولا كان عندي ما هو دبوسي وظرك ارايعيني راجع وامعاي اجماعتين. ¹¹ يا مولانا سلكني من ايد خوي عيسو بيلى أنا خايف من يجيني ويهجم اعلي ويهجم اعلى لعليات والتركة. ¹² انتا كلتلي يا مولانا: لاهي نعرفلك شي وانعدل ذريتک کد احصي التراب اللي ما اتکد تنعد بسبب کثرتها.

¹³ وبات النبي يعقوب ذيك الليلة، واكبط وجهه من ذاللي عندو من أملاك

هدية لخواه عيسو. ¹⁴ وكانت هاذي الهدية: 200 عنز و 20 عتروس و 200 نعجة و 20 كبش ¹⁵ و 30 ناقة و حيرانهم و 40 بكرة و 10 ثيران و 20 احمارة و 10 حمير. ¹⁶ واعطا هاذا كامل لعبيدو كل كلفة اعلى زر و كمال لعبيدو: اتكدمو كدامي و خلو امبين كل كلفة من الحيوان مسافة امع لخر. ¹⁷ ووصا لعبد الكدامي و كآلو: يلين تجبر خوي عيسو ويسولك: انتا عبد من؟ و امنين واعد؟ و من هو صاحب هاذي كلفة الحيوان اللي كدامك؟ ¹⁸ جاوبو انتا و كولو: هاذا كامل من حيوان النبي يعقوب اللي مشاه لشيخو عيسو و اراعيه هوا نفسو جاي اورانا.

¹⁹ و كمال النبي يعقوب املي اروا كيج لخرين اللي ماشيين اورا كلفات الحيوان بنفس الوصية و كمال: ²⁰ اتكولولو املي: اراعي عبدك يعقوب جاي اورانا. وكان النبي يعقوب يمول امبينو امع راصو: لاهي انبرد اخلاكو بهاذو الهدايا اللي كدامي و عاكب ذاك يلين نجابرو لعلاه يرضا عني. ²¹ و امشات هدايا النبي يعقوب كدامو و ابكا النبي يعقوب و بات ذيك الليلة فالمخيم.

²² و كمال النبي يعقوب فذيك الليلة و اكبظ اعلياتو و اخدمهم و اولادو 11 و اقطع من نهر ييوق. ²³ و عاكب يلين مشاهم هوما و ذاك كامل اللي عندو شور الزر الثاني من النهر، ²⁴ ابكا النبي يعقوب فم و حدو. و فذا اتفانتن امعاه اركاج يلين اطلع الفجر. ²⁵ و الين شاف الراجل اعلنو ما كد يغلب النبي يعقوب، خبطو اعلى حر كفتو و انكلع مفصل حر كفة النبي يعقوب وقت ديكتو امع الراجل. ²⁶ و كآلو الراجل: خليني نمشي بيهلي الفجر اطلع. و كآلو النبي يعقوب: ماني لاهي انخليك تمشي سابك اتباركني. ²⁷ و سولو الراجل: شنهو اسمك؟ و كآلو: اسمي يعقوب. ²⁸ و كآلو الراجل: اسمك ما اتلا يعقوب يغير عاد اسرائيل اللي معناه اتفانتن امع مولانا بيكلي اتفانتن امع مولانا و الناس و اغلبتهم. ²⁹ و سولو النبي يعقوب: شنهو اسمك؟ و كآلو الراجل: اعلاش اتسولني عن اسمي؟ و بارك الراجل النبي يعقوب. ³⁰ و سما النبي يعقوب هاذي لبليدة فنيئيل اللي معناها بل امنين اجابرت امع مولانا و جها لوجه و لا مت. ³¹ و الين امشا النبي يعقوب عن فنيئيل ظهرت اعيله الشمس و عاد يمشي و هو يطلع من حر كفتو. ³² و لهاذا السبب ما يوكلو اولاد اسرائيل يلين

اليوم العصابة اللي اعلى المفصل الحركفة بيهلي الراجل اخبط النبي يعقوب
فهاذي لبليدة.

بركة النبي إسحاق والنبي يعقوب

النبي يعقوب يتصالح امع اخوه عيسو

¹ وخرص النبي يعقوب من ابعيد وشاف عيسو جاي وامعاه 400 راجل،
 وکسم النبي يعقوب أولادو امبين ليئة وراحيل ولخدم الثنتين.² ودار لخدم
 وأولادهم فالقدام ومن فم ليئة وأولادها وفالورانى راحيل ويوسف.
³ واتقدمهم النبي يعقوب واسجد اعلى التراب سبع مرات يلين كرب من
 خوه.⁴ وکام عيسو دافع اياك يتلاکا امعاه وضم النبي يعقوب وحبو وکامو
 لأثنين يبکو.⁵ وخرص عيسو اوراه وشاف لعليات والتركة وکال: من هوما
 هاذو اللی امعاک؟ وکال النبي يعقوب: هاذو هوما التركة اللی انعم بيهم
 مولانا اعلى عبدك يعقوب.⁶ وعاکب ذاك کربو لخدم الثنتين امع أولادهم
 وسجدو کدام عيسو.⁷ وعاکبهم کربت ليئة وأولادها وسجدو هوما املي.
 وعاکب ذاك کربت راحيل ويوسف وسجدو هوما املي کدامو.⁸ وسول
 عيسو النبي يعقوب: شنهو قصدك بهاذو کلفات الحيوان اللی اجابرت
 امعاهم؟ وکالو النبي يعقوب: اعطيتهملك اياك انسکريک بيهم.⁹ وکالو عيسو:
 أنا عندي ياسر يا خوي اکبظ شورك حيوانک.¹⁰ وکال النبي يعقوب: ابدي
 إلى عدت اصا اسکريت اعليّ أنا طالبک تکبل هديتي. بيّلي أنا شفت وجهک
 وانتا ارضيت عني وأنا فرحت اليوم وعدت الا کيفت أركاج شاف مولانا.
¹¹ وأنا طالبک تکبل هاذي الهدية اللی مشيتهاک بيهلي مولانا ارزقني بكل
 شي. والى النبي يعقوب اعلى عيسو يلين اکبل الهدية.
¹² وکال عيسو للنبي يعقوب: کيم ولاهي نمشي کدامک واتلبنی انتا.¹³ وکالو
 النبي يعقوب: يا شيخي انتا تعرف اعلن اتریکتي اصغيرين ولغنم ولبکر اللی
 عندي فيهم البن. والين انتعبوهم ولو يوم واحد لاهي يموتو کاملين.¹⁴ اتخطا
 کدامي انتا يا شيخي وأنا تالبک اعلى اکياسة اعلى حسب اللی کادة لغنم
 واعلى حسب طاقة التريكة يلين نتلاحک بيک يا شيخي فمدينة سعير.

¹⁵ وكألو عيسو: ايوا اصا لاهي انخلي امعاك اروا كيج من اللي متافكين امعاي. وكألو النبي يعقوب: ذاك ما هو ضروري. أنا هدفي الوحيد هو اعلنك ترضا اعلي يا شيخي. ¹⁶ وكيم عيسو فطريكو ذاك النهار راجع شور سغير. ¹⁷ يغير النبي يعقوب ارحل شور ابليدة اسمها سكوت وابنا لراصو دار وابنا لغنمو امبارات ولهذا السبب أسمات ذي لبليدة بسكوت اللي معناها امبارات. ¹⁸ وامنين امشا النبي يعقوب من واد أرام اوصل بالسلامة المدينة شكيم اللي فارض كنعان وابنا اخيامو امكابل المدينة. ¹⁹ واشرا النبي يعقوب لارض اللي ابنا فيها خيمتو من أولاد حمور بو شكيم بمية قطعة من الفضة. ²⁰ وابنا فم مذبح وسماه إله إسرائيل هو مولانا.

بركة النبي إسحاق والنبي يعقوب

النبي يعقوب وعابلتو يدايكو امع حيرانهم

¹واخلك عاكب يلين اسكن النبي يعقوب وأسرتو فمدينة شكيم، اعلن خاظت دينة منت ليئة اللي خلاتها للنبي يعقوب اياك تتعرف اعلى طافيلات حيرانهم اللي احذاهم. ²فذا شافها شكيم ول حمور الحوي شيخ ذيك لبليدة واكبظها واغتصبها وضيع شرفها. ³وانغرم كلبو بدينة منت النبي يعقوب وابغاها وكال اعليها الشعر. ⁴وكال شكيم لبوه حمور: اطلبلي هاذي لمرة من عند أهلها اياك نتخيم امعاها.

⁵واسمع النبي يعقوب اعلن شكيم ضيع شرف منتو دينة. وكانو أولاد النبي يعقوب فذا الوقت ير عاو لغنم فالخلوات وتم ساكت النبي يعقوب يلين رجعو أولادو. ⁶وجا حمور بو شكيم لنبي يعقوب اياك يخطب لولو دينة منت النبي يعقوب. ⁷وجاو أولاد النبي يعقوب من الخلوات عاكب يلين سمعو لخبار. وكانو منفكعين ومجلجين بيهلي شكيم ارتكب جريمة فإسر ائيل باغتصابو المنت النبي يعقوب وهاذي فاحشة. ⁸وكال حمور: ولي شكيم ابغا منتكم ونختير نطلبها لول منكم اياك يتخيم امعاها. ⁹ناسبونا وعرسوننا امناتكم واتعرسو امع امناتنا ¹⁰وعيشو امعانا ولارض اراعيها كدامكم تاجرو فيها وسكنو وملكو فيها. ¹¹وكال شكيم لبوها واخوتها: خلوني نحظا برضاكم، ذا كامل اللي اتدور ولاهي نعطيهاكم. ¹²لاهي نعطيكم الصداق ذاللي تطلبو مني. وذاللي اندور هو اعلنكم اتخيموني امع منتكم.

¹³وجاوبو أولاد النبي يعقوب شكيم وبوه حمور بنوع من التخزية بيهلي شكيم ضيع شرف ختهم. ¹⁴وكالولهم: ما انكدو انخيمو ختنا امع راجل ما هو مزين بيهلي هاذا عار عندنا. ¹⁵يغير نحنا انوافقو اعلى طلبكم يلين اتعودو كيفتنا واتزينو كل اذكر فيكم. ¹⁶وعاكب ذاك عدنا انكدو انخيموكم امناتنا و نتخيمو نحنا املي من امناتكم وانعيشو امبينكم وانعودو شعب واحد. ¹⁷والين

ما تسمعونا وما اتزینور جالتکم لاهی نکیبطو ختنا ونمشو بیها.
18 وازیان اکلامهم عند حمور و عند ولو شکیم. 19 وما ابطا شکیم عن یزین
بیهلی کان یبغی دینه منت النبی یعقوب. وکان املي اکبیر فعین بوه وأهلوه.
20 وجاو حمور و ولو شکیم شور مجلس الی کان عند باب المدینه وکالو
لرجالتها: 21 هاذو الکوم هو ما اجماعة عایشین فسلام امعانا. اعطونا انخلوهم
یعیشو فلارض ویتاجرو فیها بیهلی لارض واسعة کدامهم وانکدو نتخیمو
امع امناتهم ویتخیمو امع امناتنا. 22 کالونّا عنهم ایاک یکدو یعیشو بیناتنا
ویعودو امعانا شعب واحد، یالتنا انزینو کل اذکر فینا. 23 عاکب ذاک یعود
حیوانهم و اغنمهم وکل ذاللی یملکو هو لنا. خلونا انوافقوهم اعلی ذاللی طلبو
منا ایاک یعیشو بیناتنا.

24 واکبلو الرجاله کاملین الی کانو الحاضرین فمجلس المدینه کلام حمور
وشکیم اعلن یزین کل اذکر فالمدینه.

25 وفالنهار الثالث فالوقت الی کانو الرجاله حاسین بالأم الزیانه، کامو
شمعون ولاوي أولاد النبی یعقوب و اخوت دینه وکیبطو اسیوفهم ودخلو
المدینه وکتلو الذکور کاملین. 26 وکتلو املي حمور وشکیم بالسيف وکیبطو
دینه من دار شکیم و امشاو بیها امعاهم. 27 وجاو أولاد النبی یعقوب للمدینه
الی فیها الرجاله الی ماتو وکیبطو کل شی فالمدینه بیهملي ضیعو شرف
ختهم. 28 وکیبطو اغنمهم و ابکرهم و احمیرهم وکل شی اوخر فالمدینه
وفحرايئهم 29 وحبسو ترکتهم واعلیاتهم کاملین ونهبو ثروتهم کامله وکل
ذاللی کان فالدیار.

30 وکال النبی یعقوب لشمعون ولاوي: انتوما جبتولي المشاكل وکراهیه
الکنعانیین والفریزیین الی ساکنیین فهاذي لارض، ونحنا کیفما تعرفو
اجماعه اکليلة والین یجتمعو ضدي ویهجمو اعلیّ لاهی نهلك أنا وداري.
31 وکالو شمعون ولاوي: مندرایکان من حقو یعامل ختنا کیفت امره عاهره؟

بركة النبي إسحاق والنبي يعقوب

موت النبي يعقوب

¹و كآل مولانا للنبي يعقوب: كآس بيت إيل واسكن فم وابني مذبآ لمولانا اللآ اظهرلك فالوقت اللآ كنت فآه هارب من آوك عآسو. ²وآمر النبي يعقوب أسرتو والناس لآرآن اللآ كانوا امعاه و كآلهم: زر كو لأصنام اللآ عندكم واطهرو وابدلو الباسكم، ³ واتعالو انكآسو بيت إيل إآآك نبنآ فم مذبآ لمولانا اللآ استآابلي يلآن كنت فضآقة وتافك امعآ فالطرك اللآ امشآت فآها. ⁴و كآمو واعطاو لنبي يعقوب لأصنام كاملآن اللآ كانوا عندهم ولبدل اللآ كانوا فوآنآهم واردمهم النبي يعقوب آآت الصآراآة لكبآرة اللآ فشكآم. ⁵ومن فم رآلو، وهآمن رعب مولانا اعلى المآن اللآ اآآاهم يلآن عاآو ما آكآو آهاآموهم ولا آآلبوهم. ⁶ولآكو النبي يعقوب والآماعة اللآ كانت امعاه مآآنة لوز اللآ فكنعان واللى اسمها الآناآى هو بيت إيل. ⁷وابنا النبي يعقوب مذبآ فم وسما ذآ لبلىآة بيت مولانا بآهلى مولانا اظهرلو فالوقت اللآ كان فآه هارب من آوه عآسو. ⁸ومآآت فم آبورة اللآ كانت اآرآع رفقة وانآفآآت آآت الصآراآة لكبآرة اللآ اآآا بيت إيل وأسماآ لبلىآة ألون باآوت اللآ معناها صآراآة البكى.

⁹واظهر مولانا للنبي يعقوب مرة آآرا عاكب ارآو عو من واء أرام وباركو ¹⁰و كآلو: اسمك ما آآلا يعقوب آآر عاآ اسمك إسرآآل اللآ معناه آآآآك امع مولانا. وسماه مولانا إسرآآل. ¹¹و كآلو مولانا: آنا هو مولانا القآآر: كآوم واآآار وآآلكو منك أمم ومنك لاهآ آوآآو ملوك. ¹²ولارض اللآ اعطآآتها لإبراهآم وإسآاق عاآآها لك ولآرآآك من عاكبك املى. ¹³وامشآ عنو مولانا من لبلىآة اللآ اظهرلو فآها. ¹⁴واكبآ النبي يعقوب آآرة وو كفها الفوك كآفآ علامة العآء وكب اعلى الآآرة شآ من عصآر العنب إآآآ آعود قربان وشآ من الزآآ إآآآ آآصها لمولانا. ¹⁵وسما

النبي يعقوب ذي لبليدة بيت إيل اللي معناه دار مولانا بيهلي مولانا اتكلم امعاه فم.

¹⁶ ورحلو من بيت إيل. وإلين عادو فمسافة اكريب من أفراته، حست راحيل باللية البري واثكال اعليها البري. ¹⁷ وإلين اصعاب حته اعليها البري كالتلهامرة اللي اتعاونها: لا اتخافي بيهلي لاهي يخلكلك اطفيل ثاني. ¹⁸ وإلين كانت اتحاول تتنفس وقت موتها سمات اطفيلها بن أونى اللي معناه ول حزني. يغير النبي يعقوب سماه بنيامين اللي معناه ول ايدي العربية. ¹⁹ وعاكب ذاك ماتت راحيل واندفنت احذا الطريق اللي كايسة أفراته اللي هي بيت لحم. ²⁰ ووگف النبي يعقوب حجرة اعلى اقبرها، ومزالت معروفة بحجرة اقبر راحيل يلين ظرك. ²¹ واصل النبي يعقوب اللي هو إسرائيل سفرو وابنا اخيامو اورا برج اسمو عدر. ²² وفالوقت اللي كان فيه النبي يعقوب اللي هو إسرائيل ساكن فذلك لارض، عاشر رأوبين بلهة خادم بوه واعلم إسرائيل بالقضية.

وهاذو هوما أولاد النبي يعقوب لإثنى عشر:

²³ أولاد ليئة، اللي هوما: رأوبين اللي هو بكر النبي يعقوب وشمعون ولاوي ويهوذا ويساكر وزبلون. ²⁴ وأولاد راحيل اللي هوما: يوسف وبنيامين. ²⁵ وأولاد بلهة خادم راحيل، اللي هوما: دان ونفتالي. ²⁶ وأولاد زلفة خادم ليئة، اللي هوما: جاد وأشير. وهاذو هوما أولاد النبي يعقوب اللي خلكلو فواد أرام.

²⁷ وجا النبي يعقوب لبوه النبي إسحاق فممر ا اللي هي قرية أربع المعروفة بحبرون وهي بل امنين اتغربو فيها النبي إبراهيم والنبي إسحاق. ²⁸ وعاش النبي إسحاق يلين 180 سنة. ²⁹ ومات وانضم شور اسلافو شيباني حته ودفنوه أولادو، النبي يعقوب وعيسو.

بركة النبي إسحاق والنبي يعقوب

لائحة أولاد عيسو

¹ وهادي هي لائحة اسامي أولاد عيسو اللي ملقب بأدوم. ² اتخيم عيسو من امنات كنعان اللي هوماتي: عدا منت إيلون الحيثي وأهولييامة منت عنا اللي جدها صبعون الحوي. ³ واتخيم املي امع بسمة منت عمو إسماعيل خت نبايوت. ⁴ وخلات عدا لعيسو أليفاز وخلاتلو بسمة رعوئيل. ⁵ وأهولييامة خلاتلو يعوش ويعلام وقورح، وهادو هوما أولاد عيسو اللي خلطولو فارض كنعان.

⁶ واكبط عيسو اعلياتو وأولادو وامناتو وأهل دارو كاملين وغنمو وحيوانو كامل اللي اجمعهم فارض كنعان وارحل شور ابليدة اخرا ابعيد عن خوه النبي يعقوب ⁷ بيهلي من كثرة أملاكهم عادت لارض ما اتكد ترفدهم لأثنين، ولا كدت املي لارض اللي اتغربو فيها تكفيهم اياك يرعاو فيها اغنمهم. ⁸ واسكن عيسو اللي ملقب بأدوم فكدية سكير.

⁹ وهادي هي لائحة أولاد عيسو، بو لأدوميين اللي كان ساكن فكدية سكير. ¹⁰ وهادو هوما اسامي أولاد عيسو: أليفاز ول عدا اعيال عيسو ورعوئيل ول بسمة اعيال عيسو.

¹¹ وأولاد أليفاز هوما تيمان وأومار وصفو وجعثام وقناز. ¹² وكانت تمناع خادم لأليفاز ول عيسو وخلات لأليفاز عماليق. وهادو هوما أولاد عدا اعيال عيسو.

¹³ وأولاد رعوئيل هوما نحت وزارح وشمة ومزة. وهوما كاملين أولاد بسمة اعيال عيسو.

¹⁴ وهادو هوما أولاد أهولييامة اعيال عيسو منت عنا منت اللي جدها صبعون: وهي خلات لعيسو يعوش ويعلام وقورح. ¹⁵ وهادو هوما اشيوخ قبائل أولاد عيسو: من أولاد أليفاز اللي هو بكر عيسو، تيمان وأومار وصفو وقناز ¹⁶ وقورح وجعثام وعماليق. هادو هوما اشيوخ القبائل اللي جاينين من

نسل أليفاز فارض أدوم وهوما من ذرية عدا اعيال عيسو.
17 وهاذو هوما اشيوخ قبائل أولاد رعوئيل ول عيسو: نحث وزارح وشمة ومزة. وهاذو هوما اشيوخ القبائل اللي جايين من نسل رعوئيل فارض أدوم وهوما من ذرية بسمة اعيال عيسو. 18 وهاذو هوما أولاد أهولييامة اعيال عيسو، وهوما اشيوخ: يعوش ويعلام وقورح وهوما اشيوخ القبائل اللي جايين من أهولييامة اعيال عيسو. 19 هاذو هوما أولاد عيسو اللي هو أدوم وهاذو هوما اشيوخ قبائلهم.

20 وهاذو هوما أولاد سكير الحوري وهوما اشيوخ القبائل اللي كانو ساكنين سكير سابكهم: لوطان وشوبال وصبعون وعنا 21 وديشون وإيصر وديشان. هاذو هوما اشيوخ قبائل الحوريين من أولاد سكير اللي ساكنين فارض أدوم. 22 وأولاد لوطان هوما حوري وهيمام وتمناع اللي هي خت لوطان. 23 وهاذو هوما أولاد شوبال: علوان ومناحة وعييال وشفو وأونام. 24 وأولاد صبعون هوما أية وعنا، وعنا هو اللي اعثر اعلى عين الما الحامية فالخلوات فالوقت اللي كان يراعا فيه احمير بوه صبعون. 25 وخلكو لعنا، ديشون ومنتو أهولييامة. 26 وأولاد ديشون هوما حمدان وأشبان ويثران وكران. 27 وأولاد إيصر هوما بلهان وزعوان وعقان. 28 وأولاد ديشان هوما عوص وأران. 29 وهاذو هوما اشيوخ قبائل الحوريين: لوطان وشوبال وصبعون وعنا 30 وديشون وإيصر وديشان. وهاذو هوما اشيوخ قبائل الحوريين حسب قبائلهم اللي ساكنين فارض سكير.

31 وهاذو هوما الملوك اللي حكمو ارض أدوم سابك يعود فيها ملك فإسرائيل: 32 بالبع ول بعور املك فأدوم وكان اسم مديننتو دنهابة. 33 ومات بالبع وخلفو يوباب ول زارح اللي من البصرة. 34 ومات يوباب وخلفو حوشام اللي من ارض التيماني. 35 ومات حوشام وخلفو هداد ول بداد اللي اغلب المديانيين فارض مؤاب. واسم مديننتو هو عويت. 36 ومات هداد وخلفو سملة اللي من مسريقة. 37 ومات سملة وخلفو شاول من رحوبوت اللي اعلى حاشية النهر. 38 ومات شاول وخلفو بعل حانان ول عكبور. 39 ومات بعل حانان وخلفو هدار واسم مديننتو فاعو وكانت اعيالو مهيطبئيل منت مطرد منت راجل اسمو ماء الذهب. 40 وهاذو هوما اسامي اشيوخ القبائل اللي

متفرعين من ذرية عيسو حسب قبائلهم اللي رقدو اساميهم: اشيوخ تمناع
وعلوة ويتيت⁴¹ وأهوليامة وإيلة وفينون⁴² وقناز وتيمان ومبصار⁴³
ومجديئيل وعيرام. وهاذو هو ما اشيوخ أدوم حسب بل امنين ساكنين فيه
فلارض اللي ملكوها، وهو ما كاملين من ذرية عيسو بو لأدوميين.